

易

經

如

話

易經如話卷之七

汪烜學

文言傳

元者善之長也亨者嘉之會也利者義之和也貞者事之幹也

此文言傳文謂文王所繫卦彖之文言猶說也文言傳者亦孔

子所以申彖辭之說而惟乾坤二卦有之以乾坤二卦之蘊爲

无窮也

文言傳申彖傳象傳之意亦自成一卷而後人分授於乾坤二卦之後上與次序說者又多以此篇置繫辭傳

後今

正之謂乾卦彖辭之文所言乾元亨利貞者誠以元者天地生

物之心其理无物不包

即萬物

无所不貫

即謂

而人得之以爲

心則亦理无不具愛无不周而爲萬善之長也亨者生物之理

之通品物流形萬物皆相見而无不嘉美自人得之則貌言有

恭從之美視聽有明聰之則而為嘉美之會也會猶言總會言節文之燦然皆

備也利者生物之理之遂由變而化物各得其宜而无所乖戾自

人得之則父子有慈孝之恩君臣有敬忠之義而為制義之和

也元即未發之中而亨其發也利即發而中節之和而貞其成也貞者生物之理之復性命

各正皆保合太和而无不堅固自人得之則物宜得无故而

非不濟事變得其通而可否不亂而為應事之幹也此天命之

性也此章蓋實古語而孔子取之要之以理則與文王之意太不相背也

君子體仁足以長人嘉會足以合禮利物足以和義貞固足以幹

事

天命之性人所同得而氣稟或異以流於形氣之私則在人无
以全其性命之正而失之惟君子則心乎天地之心而以仁爲
體物我形氣之私不能域焉則人民萬物皆在其覆載胞與之
中足以長人亦乾元之資始統天矣範以天理之節而嘉其所
會耳目口體之欲不能累焉則恭從明聰皆著爲肅又哲謀之
美足以合禮此禮字就外面說與性字禮字稍異亦行施而品物流形矣因乎自
然之利以兼利萬物而鑑空衡平之體无少偏焉則尊尊親親
各當乎貴賤親疎之則足以和義亦變化而各正性命矣此義字亦

兼事之
宜上說

通乎天地之化而知明守固至蹟至變之交不能擾焉

則禮樂政刑皆自我操其因革損益之柄足以幹事亦太和有

以保合而萬國咸寧矣是率性之道而卽脩道之教所從出也

凡言足以者皆不必有其事而實有其撰
之辭中庸至聖章足以有容執敬別亦然

君子行此四德者故曰乾元亨利貞

夫此四德者人人性命之所固有而每爲私欲之所累則雖性

而有之而不勝柔懦委靡卒鮮能率性以行之惟君子性命之

真不淆於物則剛大之氣實全乎天實爲能行此四德者

行字
即上

文所謂體仁嘉會利物貞剛而此句
結出本節只重君子字以點出乾字

故文王繫乾之彖曰乾則

元亨利貞也人能勉爲乾焉則君子矣

此章總是歸重一乾字君子即乾也天也

初九曰潛龍勿用何謂也子曰龍德而隱者也不易乎世不成乎名遯世无悶不見是而无悶樂則行之憂則違之確乎其不可拔潛龍也

周公繫乾卦初九爻之文其言曰潛龍勿用何謂也凡在乾皆爲龍德而以九居初則龍德而隱者也其龍德而隱何凡人有悅人之私則務外而易乎世矣君子行所當行不以世之波靡而有易也凡人有好名之念則爲善以成乎名耳君子脩其在我非爲干譽之故以成名也非徒不易乎世已也卽至於與世

相違而蕭然遑遑亦我守其真而无所悶焉匪但不成乎名已也即至於指摘加之而不我見是亦我成其是而无所悶焉此非不當於用而无可行也其具在我世有行道之樂我則起而行之與斯人共由可也道有不行之憂我則去而違之以獨善其身已耳蓋无問世之知與不知人之用與不用而在我所守之正有確乎其不可拔者是是下无位而不爲苟用之潛龍也

通節見潛者之爲龍故一層
堅苦一層通揚山潛龍二字

九二曰見龍在田利見大人何謂也子曰龍德而正中者也庸言之信庸行之謹閑邪存其誠善世而不伐德博而化易曰見龍在

田利見大人君德也

九二曰見龍在田利見大人何謂也九爲龍德而居二則出潛離隱而亦未爲時用處於出處之介正中之位者也其龍德而正中何君子之脩身以見於世者言行兩端而已庸言者人之所輕而君子則庸言之必信有餘不敢盡而言必顯行也庸行者人之所忽而君子則庸行之必謹有所不足不敢不勉而行必顯言也是亦既口无擇言身无擇行矣然君子之信言謹行也豈徒以求顯於世哉誠以樞機之發偶涉於邪則性命之真已淆於僞是以力閑乎形氣之邪妄正所以密存吾本體之真

誠而已然亦豈敢以盡善自多也亦謂有物有則本吾所得天之實理則去妄存理亦適以盡吾之所當然則雖使言行之善有以蓋乎一世且自反而常恐有歉而安敢以此自矜伐乎夫如是則德之積於躬者廣博深厚而人自信而從之觀感而化大人君之所以爲君德者不過能使人化於善耳而君子言行之感孚已能使人皆化於善故九二雖未在上位而易曰見龍在田利見大人以言其德固人君之德而爲人所利見也

見字故以言行言歸到極

細密處君德固大人也

九三曰君子終日乾乾夕惕若厲无咎何謂也子曰君子進德修

業忠信所以進德也修辭立其誠所以居業也知至至之可與幾也知終終之可與存義也是故居上位而不驕在下位而不憂故乾乾因其時而惕雖危无咎矣

九三曰君子終日乾乾夕惕若厲无咎何謂也夫上下之間固危厲之地而居職任事每凶咎之叢然自盡則有其常君子惟修其在己君子之所以爲終日乾乾者亦進吾之德修吾之業而已其進德脩業何人而苟且爲人則爲善皆僞爲惡皆眞自欺焉耳主之以忠信盡其心而无所苟且實其心而无所虛妄使惡惡如惡惡臭好善如好好色焉庶善積於己而惡不加於

身是所以進德也人或樞機不謹則言浮於行得不及言實得鮮矣修辭立其誠見善則遷非徒口說有過則改不以自文求有以先行其言而後從之而吾之所言皆吾之實行焉庶吾之誠於是立而業之廣可終身焉是所以居業也然非知之精而擇之審則亦何以能忠信立誠哉君子必真知善之所在如是而後爲至則動其慮精以求至之故事物之交愈密之發其幾皆不敢不審而可與研凡事之幾宜也真善之爲已如是而後有終則修辭皆立誠以守而終之故見諸躬行發諸事業皆一日可以終身而可與存其所守之義也

幾者善惡之介以發諸心言義者事物之宜以

見於
事言

君子之乾乾於進德修業者如此是故居民之上不以特

位而驕

以居下卦
之上言

在君之下不以失位爲憂

以在上卦
之下言

故惟是

因所處之時而乾乾以德業進脩自惕雖所處之時位甚危而

可以无咎矣

因二有事上使下之責故以進德修業發乾乾之
實一層惟原一層歸到无咎二字然此爻實見可

乾道
之全

九四曰或躍在淵无咎何謂也子曰上下无常非爲邪也進退无

恒非離羣也君子進德修業欲及時也故无咎

九四曰或躍在淵无咎何謂也蓋君子以行道爲心則出處不

吝不謹故自下而躍於上欲上而仍處於下其上下无常有似

爲邪以干位者然而非爲邪也亦既或躍而進而又退在於淵
其進退无恒有似離羣遠引者然而非離羣也君子進德修業
於平日亦欲及時而於身親見其道之行故下非所安而進尤
不容苟故或躍在淵乃无妄進之咎也

因一或字表
出行道之心

九五曰飛龍在天利見大人何謂也子曰同聲相應同氣相求水
流濕火就燥雲從龍風從虎聖人作而萬物覩太平天者親上太
乎地者親下則各從其類也

九五曰飛龍在天利見大人何謂也好德之良人所同具而惟
聖人先得人心之所同然是以飛而人道利見之蓋凡同聲者

則必相應同氣者則必相求如水之因濕而流火之因燥而就
龍興而雲從之以升虎嘯而風從之以冽物類之應求如此聖
人作而在上而萬物有不快爲睹之者乎夫動物本乎天者則
上其首而親上植物本乎地者則下其根而親下則各從其類
之故也聖人全盡人道人類之所以景從也

此只明利
見二字

上九曰亢龍有悔何謂也子曰貴而无位高而无民賢人在下位
而无輔是以動而有悔也

上九曰亢龍有悔何謂也蓋悔生於亢也上非不貴而過於上
則无位矣上非不高而絕於下則无民矣九五以下皆賢人也

以居上而志得意滿自用其剛則在下位之賢人无復有輔之者矣孤立如此况欲有所作為哉此所以動而有悔也

此極言其亢

潛龍勿用下也

潛龍勿用非无可也以其處下故勿用也

見龍在田時舍也

龍德已見而曰在田非德猶未足也時舍之而未用也

終日乾乾行事也

終日乾乾非過憂也當其時位則行其時位所當行之事也

或躍在淵自試也

既或躍矣而仍在淵當出處之間姑自試其可行之兆也

飛龍在天上治也

飛龍在天乘時得位而居上以治下也

亢龍有悔窮之災也

上亦龍也而亢則有悔窮而不知所變故及於災也

乾元用九天下治也

凡陽爻皆用九而乾之用九則以君位在德元苟剛而不能柔則自用非所以爲治惟用九而不用七以剛健爲體而柔嘉以行之順自然之理因萬民之性以布之爲政治无一毫自用之

私則所謂見羣龍无首而天下无不治矣此君道之宜也

此章中前

意大概至於時位而言

潛龍勿用陽氣潛藏

潛龍以下故勿用而陽氣之潛藏則龍德已裕焉蘊可用於未用之先也

見龍在田天下文明

見龍以時舍故在田而既見則人皆利見焉天下已被其文明之化矣

終曰乾乾與時偕行

終日乾乾所以行事而事非願外也時所當然則與時偕行君子之自厲也

或躍在淵乾道乃革

或躍將以自試而在淵未遽有爲當道乾道離下卦入上卦之時君子所以必審也

飛龍在天乃位乎天德

飛龍在天以上治豈徒恃天位哉有天德以居天位是其位乃位乎天德故也

亢龍有悔與時偕極

亢龍以時窮有悔然使時位雖極而心不與之俱極則高而不危可矣剛而不變則與時偕極斯所以致災也

乾元用九乃見天則

天之爲道至健而以順行將盈則必返故乾元用九而天下无不治治效之所臻是天之則乃於是乎見也王者法天而已

此章

再申明前意大極復歸本於德

乾元者始而亨者也

天道之大始无聲无臭而何以知其爲萬物所資始而統天乎蓋始則必亨理勢固然非有始之者則何以有亨乎故觀於品

物之雜然流形發微而不可見充周而不可窮則乾元之爲萬

物所資始所可見矣乾元者卽此始而必亨者也

教人於物之亨上認取乾

元如喜怒哀樂之未發本无可見然人人有此喜怒哀樂發而則未發時原有此喜怒哀樂之理可知故日中也者天下之大本也觀此則周子所謂无極而太極太極本无極者亦可見矣

利貞者性情也

然方其雜然流形也萬彙紛紜未至於成猶未足以見天道之實及夫由變而化而萬物无不有以各正性命保合太和則萬物之性之正皆天理之正也萬物之氣之和卽天道之和也萬物之性情卽乾之性情是觀於萬物之性情而天之性情之實

乃於是乎見矣利貞者性情也

此又教人於利貞上認取乾元之實如喜怒哀樂之發亦未見

得必是道又觀其發皆中節人人皆以為當然乃可知率性便是道而大本之中亦可見矣此即成之者性也之謂性情以乾之性情言如程氏所謂以性情言之謂之乾是乾元之統天也

乾始能以美利利天下不言所利大矣哉

夫萬物之亨實乾之元有以亨之萬物之利貞實乾之元有以

爲利之貞之是乾道之大始能以美利利天下

即萬物資始統天之謂

然

而其所以始之者則終於無聲無臭而已是不言所利也乾之

元不誠大矣哉

有形之大其大有限無形之大其大無窮○此三節將乾之亨利貞三字都補在一元字只歸

併大哉乾元一句此節正應大哉乾

元句以不明更即六畫之乾以明之

大哉乾乎剛健中正純粹精也

易書六畫之乾正所以明天道也大哉乾卦之所蘊乎六畫皆

奇剛之至也上下皆乾健之至也

積六奇以成乾體如人性質之剛故剛以體言自下而上

乾而又乾其健於行乃見之故健兼用言

周流六虛各因乎時无不中也卑高以陳

各有定則无不正也

自始至終看則見其行之无過不及各就一爻看則見其立不偏此總是无時无虛

非此剛健則能各盡其道與他卦二五爲中當位爲正者不同

无陰柔之雜一何純也无邪惡

之參一何粹也

純者絲之无雜色以剛健言也粹者米之无糠批以中正言也純字看大略可見粹則愈密察

夫蓋剛健中正之至純至粹者而純粹又極其精矣乾元之所

蘊蓋如此而可於乾卦之六畫見之

此節只渾圓貫乾卦看自見得有萬物資始統天附

道雖不必以四德言而四德自无不包。須就乾卦言下文六爻發揮力接得上時解極往失之

六爻發揮旁通情也

至於六爻之爲潛爲見爲惕爲躍爲飛爲亢則各因其時位不同而各有當然之則爲所以處之之道是六爻之所發揮皆莫

非本乎剛健中正純粹以精者而發揮之

卦以靜體言其所蘊爻以動用言其所發

卦以全體言爻以一節言占卦之法亦如此也六爻發揮是言乾之剛健中正純粹精者於六爻上各發揮出來非言聖人以

六爻之辭發揮即乾之四德也崇虛齋說未是

而天道之發而爲情者旁通曲盡亦无

不可見矣

純粹精者乾之性六爻發揮者乾之情旁通曲盡是言乾之情於六爻上曲盡可見又教人於六爻之用

上體乾全卦之蘊也觀其所感而天地萬物之情可現矣觀其所感而天地萬物之情可見矣亦於天地言情正與此情字同

非言六爻足以盡天下事物之情也。上節即始而必亨
此節即利貞乃見性情之實但此就一卦六爻上影說

時乘六龍以御天也雲行雨施天下平也

觀於乾之一卦六爻而可以知天道矣聖人因時位之所值而

與爲變化以隨時處中不失其正是則時乘六龍正所以御行

天道

能知六爻之所發揮即所以盡乾之剛健中正

而聖人德化之所旁通亦如天之

雲行雨施而天下无不平矣此聖人之體乾也

乘龍御天是聖人之始而必亨

雲行雨施而天下平如天之亨而付于萬物則萬物自无不利利貞也利貞只現成事

君子以成德爲行日可見之行也潛之爲言也隱而未見行而未

成是以君子弗用也

天下惟无德之患而非不見於用之患若君子以已成之德爲措諸事業之行豈不日之間卽可以見之於行矣然而初九曰潛龍勿用者以潛之爲言也方隱而未見則雖非无德可見之行而其行亦未能有成此其時位固然是以君子亦卷懷而弗

用也

見初九之非无德

君子學以聚之問以辨之寬以居之仁以行之易曰見龍在田利見大人君德也

君子有事於修德卽以治人爲己任

如大學之道在明明德便須在新民

而知之

未至无以行也行之不力亦徒知也理散於事物君子博學以

聚之理惑於疑似君子審問以辨之則其於修己治人之道既

知之无不精矣

此即致知格物之事

然私意有所蔽則心體狹而无以存

此理於至靜之中君子不以一毫私意自蔽所以致其寬以居

此理而立之體也

寬字如虛無不昧之虛寬以居之如中庸之所謂致廣大

私意私之自內起者也

私欲有所累則大用闕而无以行此理於因應之

用君子不以一毫私欲自累所以致其仁以行此理而達之用

也

仁字如虛無不昧之靈字程子所謂仁則能覺也仁以行之如中庸之所謂極高明。私欲私之自外誘者

夫然

則其於修己治人之道又行之無不實矣

此即正心誠意之事

知行交盡

大人之德成矣家國天下舉而措之耳易曰見龍在田利見大

人方在田而遽曰大人者以九二之德固已備人君之德也

見九

二之爲

大人

九三重剛而不中上不在天下不在田故乾乾因其時而惕雖危无咎矣

君子以果敢之方居有爲之位事上使下有咎之叢也九三以剛處剛而不得中位以上則不在天無人君專制之權以下則

不在天不在田即所謂不中重剛而不中以時位之危言不以性質

過剛言乾卦六爻皆龍德也若以性

質言則下文故字亦直接不下矣故乾乾因其時而惕以自

盡其所當爲

因其時時正指重剛不中時言

所處雖危可无咎矣

處危故乾乾乾惕故无咎

九四重剛而不中上不在天下不在田中不在人故或之或之者疑之也故无咎

出處之際審之不可不嚴有競進之失在一時而失身之咎在

終古者九四以剛而不得中位上不在天未進於朝下不在田

非處於野中不在人未膺職任

此即所謂不中也三以重剛故能惕四以剛故能疑惕之疑之

皆自克之剛也時解以剛而不中爲能疑之人更加不通之說

故欲躍而或之以其可進可退

也或之者疑之也遲回審慎而不敢輕進必无失身之咎矣

夫大人者與天地合其德與日月合其明與四時合其序與鬼神合其吉凶先天而天弗違後天而奉天時天且弗違而况於人乎

況於鬼神乎

九五大人爲天下所利見利見者欽其德非欽其位也夫大人者至仁无私易知簡能合天下民物皆在其覆載之中與天地合其德也盛德昭著不遺微小合天下民物皆見於照臨之下與日月合其明也

以光蔽言不
是以明智言

因物而付時措咸宜合禮樂政

刑皆出於自然之運與四時合其序也神以知來智以藏往凡

禍福將至皆有以燭其機於藏密之中與鬼神合其吉凶也

中

庸所謂至誠如神不是以利貫視
禍福言。此四句亦是元亨利貞

故先天而開天下之物創所

未創然合之於天而理有默契天亦莫之能違也後天而成天

下之務因所當因則行所无事而事以相成奉天之時焉已耳
由此言之天且與之相合而不違矣鬼神者天地之功用而人
者天地之心也天且弗違而况於人况於鬼神乎本義中人與天地鬼神本无二理至曾何彼此先後之可言哉一段是解在先天而天弗違以下五句內若天地日月四時鬼神四句則只是平列不必以天地句作主此所以聖人作於上而天下人遂无不利見也
通節釋利見之故

亢之爲言也知進而不知退知存而不知亡知得而不知喪

上九亦龍而何以有悔以一於剛而不返則已亢也位至於上

无可進矣天下之勢有進則有退

以位言

有存則有亡

以剛家言

有得

則有喪

以凡
事言

倚伏循環其幾甚微而要不可有滿盈自恃之意

亢之爲言也則知進而不知退知存而不知亡知得而不知喪
欲不至於悔其可得乎

其唯聖人乎知進退存亡而不失其正者其唯聖人乎

夫進退存亡在天有循環之運而高而不危滿而不溢則惟在
人有善處之道與歉然自下憂危惕厲之心蓋以退爲心則可
以无退以亡爲念則可以无亡即不然而運有終窮亦在已以
正處之禍福非其自取而於心可以无悔然知幾其神者其唯
聖人乎知進退存亡則處盈而不至於亢而所以處之者皆不

失其正是其唯聖人乎乾之六爻固无往而不可以見聖人之道也

右乾卦

坤至柔而動也剛至靜而德方

孔子復釋文王繫坤卦象之意以爲坤之質至柔而已其由變而化順乾之所變化以遂之也其至於各正性命保合太和順乾之所正所合以成之也然乾之所遂坤能悉爲遂之乾之所成坤能盡爲成之則其柔也卽其動之剛矣坤之德至靜而已

此靜字是動之靜雖有爲而非自有作爲便是靜也非以靜體言

乾道之變化坤未嘗有所變

化也萬物之各正性命保合太和坤未嘗有所各正有所保合也然變化乾之所變化而適如其所變化矣各正保命乾之所各正保合而適如其性命如其太和矣則其靜也即其德之方矣牝馬之健行者所必至而適如所至亦柔而剛靜而方者也此所以云牝馬之貞與

此節就利貞上說勿誤以柔靜作坤元說

後得主而有常

蓋坤之所為皆處乾之後而為所得為主於利乾之所利而已

利也

是以皆有其常

有常便是方字謂適如其本然當然如種麻得麻種豆得豆之類

而坤實

未嘗有所作為也

此節我足利字

含萬物而化光

顧坤道之无爲非无與於生物之功也雲行雨施天氣之達惟坤實有以含之品物流形萬物之光惟坤實有以化之含天之所施而化其光華有以亨乾之亨是則坤之亨也

坤道其順乎承天而時行

然則坤元之至无可見而觀其剛方有常則其利其貞者承天之利貞而能一一爲利之貞之也觀其含物化光則坤之所亨者承天之亨而能一一爲亨之也坤道之元其一順盡之乎惟其順也是乾既始之而坤遂生之此雖非見聞所可及而承天

之亨以時行其亨承天之利貞以時行其利貞其承天而時行

亦莫非坤元之資生者之所統貫者也坤之元不其至哉

此章
歸說

轉當與乾元者始而亨者也章參看蓋即坤之利貞亨以順而
健顯出坤元之資生亦只是順而健由顯以徵隱也順承天是
順承天而時行則是健
矣順而健乃所謂至也

積善之家必有余慶積不善之家必有余殃臣弑其君子弑其父
非一朝一夕之故其所由來者漸矣由辨之不早辨也易曰履霜
堅冰至蓋言順也

孔子復釋周公繫坤六爻之意以爲禍福利害皆由始之不慎
積漸而成故偶善未必致慶而積善之家則必有余慶矣偶不

善以爲未必召殃而積不善之家則必有餘殃矣

餘者流及子孫之意至

若君臣父子之定分至嚴夫亦誰得而輕犯之然而有臣弑其
君子弑其父者此必非一朝一夕之故蓋不臣不子之念偶萌
而習焉而无所懲則於君父无復敬畏而其後遂至於无君无
父篡弑之禍乃成溯其所由來者以積漸而至矣使辨之於早
而有以懲之有以閑之則曷爲至此由辨之不早辨故禍亂成
而莫之救也易曰履霜堅冰至蓋言陰已動於下矣人當慎之
於微也

此推廣父義言修身齊家治國皆當慎微不止重下義

直其正也方其義也君子敬以直內義以方外敬義立而德不孤

直方大不習无不利則不疑其所行也

人受天地之中以生則人之性即天地之性渾然在中不偏不倚何直如之坤之六二居下卦地體之中是亦靜而不偏者周

公所謂直所以言其正也

此正字卻是言其柔中

天道流行付予萬物則

在事在物莫不各有當然之則而其理實具於吾性分之中率性而行无不各當何方如之坤之六二以六居二爲適得其所

處之宜是亦方而无所乖戾者周公所謂方所以言其義也

此義

字以居得正位言。玩二其字自是指六二言只影射在人上

顧道心惟微而人心惟危則役

於人心而能有以全其直方者鮮矣是以君子有存養省察之

功焉主敬以直其內戒謹恐懼密於不眚不聞必其使至靜之
中无少偏倚守義以方其外戒欺求慊嚴於慎獨審幾必其使
應物之處无少差謬則敬立而內直義形而外方敬義立而直
方之德復全於我其德大而不孤矣是能如坤二之直方大斯
不習而无不利所謂不習无不利者廓然大公物來順應則不
疑其所行亦坤道之順承天而簡能也

陰雖有美含之以從王事弗敢成也地道也妻道也臣道也地道
无成而代有終也

陽施而陰承陽倡而陰和定然之理故陰雖有美亦含之而已

則或以已之長而從王事亦惟助王之治而弗敢自專其成功也故以六居三則非不足有成也道固然矣此地之道也妻之道也臣之道也以觀之地道亦柔靜无爲何嘗專有所成而承天時行皆所以代天有終也妻道臣道亦若是焉耳

天地變化草木蕃天地閉賢人隱易曰括囊无咎无譽蓋言謹也凡人之才猷雖具於已而出處則視乎時當夫天地之交通而變化則草木且无不蕃殖殖是守正之君子進而在朝之時也若夫天地閉塞上下不交則賢人亦自守其貞隱而不出焉已耳坤之六四當變革之時處上卦之下不足有爲故易曰括囊

无咎无譽蓋以言君子謹於出處之道也

君子黃中通理

黃中色也亦地之色也裳下飾也亦地之象也六五有柔中之

德得地體之正位

五爲一卦之正位此又不以陰陽爻位言

故有黃裳之象凡人內

有所偏則知有所蔽而應物之理亦以有差於是在位而騁其

徵於外者亦无可觀以言言非矣君子涵養德性中无所偏是

黃中也

黃以中德言中言在內也

惟其中无所偏是以上下四旁无所不通

以大體言猶言天下之大本也

而條理燦然皆有條而不紊

分小德言即達道所從出也

正位居體

故雖其正在羈位而毅然不以自足以有其柔順謙下之體黃
裳之象蓋如此夫黃中通理是美德之充積於中也正位居體
是和順之氣之徵於外也

美在其中而暢於四支發於事業美之至也

美在其中而暢於四支動容周旋中禮發於事業厚德之容保
无疆美之至也故大善而吉也

美之至即元字。坤六二以修
爲上大吉六五以已威之德見

於事業言範之

九二九五亦然

陰疑於陽必戰爲其嫌於无陽也故稱龍焉猶未離其類也故稱
血焉夫立黃者天地之雜也天立而地黃

陰卑陽尊本有定分非敢敵也逮夫積陰而至於極盛則其勢

既疑於陽

疑猶似也此重之象

而反肆其陵害陽不能平而與之爭必至

於戰矣其稱龍何時方純陰嫌於无陽而陽未嘗絕也爲其嫌

於无陽也故稱龍焉淑慝之辨自在人心不可沒也其稱血何

上六陰之魁陰小猶盛未能盡除猶未離其類也故稱血焉

以戰

屬龍見聲罪致討意以直指陰見小人受誅之意

然戰則陰傷而陽亦豈能无傷乎夫

立黃者天地之雜也天立而地黃

只借天地以言陰陽

其血立黃言剛傷

也雖陰无終勝之理然所傷大矣苟非積漸何以至此

右坤卦

後學李承超重訂

後學李啟泮

李振秀

余龍光

余麗元

李際唐校正

後學李振璿

潘鴻儀校錄

易經如話卷之七終

易經如話卷之八

汪烜學

繫辭上傳

天尊地卑乾坤定矣卑高以陳貴賤位矣動靜有常剛柔斷矣方以類聚物以羣分吉凶生矣在天成象在地成形變化見矣

聖人之作易易非聖人作也有天地自然之易焉如天尊在上地卑在下是造化有自然之乾坤定位不待畫卦而後有乾坤也天地之間卑者高者雜然並陳是造化有自然之爻位貴賤不待六爻而後分貴賤也

爻位稱二三四五上初二
卑也賤也五上高也貴也

天地生物

得乎陽者常動得乎陰者常靜是造化有自然之單拆剛柔不

待奇畫耦畫而後定剛柔也

剛謂單柔謂耦

萬物之生凡同術者以類

相聚

如士與士聚農與農聚

異物者以羣而分

如鳥與鳥羣獸與獸羣

有不相得則

凶或害之是造化有當然貞勝之吉凶不待六爻之承

下承上

上

乘

比

爻位相近

應

爻位相應

繫之以辭而後生吉凶也物在天地間在

天者成日月星辰之象在地者成山川流峙之形四時變遷畫

夜相代是造化有自然當然之交易變化不待畫卦之有次序

橫方位

圓

揲蓍之有九

重六

×

交七

一

單八

拆

交易變易而後見爲

變化也是易書未作之先造化固有自然之易也

是故剛柔相摩八卦相盪鼓之以雷霆潤之以風雨日月運行一

寒一暑

是故聖人之作易也亦卽以摹畫此自然之造化而已故畫一

連畫而爲剛畫一斷畫而爲柔儀又以剛柔相摩而爲太陽二

少陰二少陽二太陰四象又迭摩之而爲乾一三兌二三離三

三震四三巽五三坎六三艮七三坤八三而八卦之次序成焉

此八卦橫圖也又以八卦彼此相盪而八卦各重八卦如乾夫大有大

壯小畜需大畜泰之類而六十四卦之次序亦定焉此六十四卦橫圖也

於是而尊卑貴賤動靜吉凶之理皆寓於乾坤卦位六爻奇耦

間矣又因之以定其方位自北而東爲震爲離是鼓之以雷霆

也自南而西爲巽爲坎是潤之以風雨也離位於東而行於西
坎位於西而行於東是日月之運行也陽生於子中而盡於午
中陰至於午中而盡於子中是一寒一暑也

此八卦圖六十
四卦圖皆然

而在天成象者又寓於易書剛柔變化中矣

乾道成男坤道成女

且自乾坤而生六子得乾之初爻而爲震得乾之中爻而爲坎
得乾之上爻而爲艮是凡得乎天之陽者皆成男也得坤之初
爻而爲巽得坤之中爻而爲離得坤之上爻而爲兌是凡得乎
地之陰者皆成女也而在地之成形者又寓於易書剛柔變化

中矣

此文王入
卦次序圖

乾知大始坤作成物乾以易知坤以簡能

萬物之生皆原於天地易書之理皆總於乾坤萬物資始於乾
陽氣一動而物无不始乾之主乎大始也萬物資生於坤陰氣
順承乎陽而物於是乎成坤之作而成物也天地絪縕萬物化
醇男女媾精萬物化生其理莫不皆然矣而乾之主大始非待
有所勉強也發於自然而物自无不資之以始蓋以易而知大
始也坤之作成物非行有所作爲也因乎當然而物自无不資
之以成蓋以簡而作成物也乾坤之道易簡而已矣

易則易知簡則易從易知則有親易從則有功有親則可久有功則可大可久則賢人之德可大則賢人之業

然則人之學易也亦取法於乾坤之易簡而已凡人內有私意之蔽而失乎天性之自然則此心艱險委曲而與人以難知若存心皆本乎天理之自然則此心光明正大如乾之易而人易知矣人外爲私欲所累而失乎物則之當然則行事矯揉煩瑣而與人以難從若應事皆循乎物理之當然則所行因物付物如坤之簡而人易從矣惟存心與人以難知則人皆望而疎之若此心平易而易知則人皆信我而有親矣惟行事與人以難

從則人皆不與共事若所行簡當而易從則人皆助我而有功矣得人之信而有親則終始如一不亦可久乎得人之助而有功則相與有成不亦可大乎可久則存心長此天地之心合萬物如一體不有賢人之德乎可大則行事通乎天下之志應萬事而不窮不有賢人之業乎

易簡而天下之理得矣天下之理得而成位乎其中矣

人亦患乎不能无私意之蔽私欲之累則不易不簡而與天地不相似耳若其果全乎天命之性而與乾同其易因乎率性之道而與坤同其簡則存之者无所歉而發之者无所乖天下之

理无不得矣蓋致中和而天地位萬物育也中便是易和便是簡天下之理得則天地之化育自我贊之而天地之位我得而參之成位乎天地之中矣是體易之全功也

右第一章

聖人設卦觀象繫辭焉而明吉凶

昔者聖人慮人之懵於天道而不知所趨避也於是設爲六十四卦三百八十四爻因觀其逐卦逐爻之象繫之以彖爻之辭象辭以斷一卦之吉凶乾元亨利貞之類是也爻辭以斷一爻之吉凶潛龍勿用之類是也

所以明吉凶之理而使人知所趨避也

剛柔相推而生變化

而卦象何所自主乎卦爻雖多不外剛柔兩畫以盡卦言之則

剛柔兩畫相摩相盪周流於六位之間

六位初二三三四五上也

而六十四

卦之象立以揲蓍言之則重交單拆有變不變交通乎六十四卦之象而三百八十四爻之變呈要之以剛柔相推而生變化所以象有可觀而辭有由繫也

是故吉凶者失得之象也悔吝者憂虞之象也

惟變化无端而吉凶貞勝矣是故繫辭之有吉有凶者固變化

之有失有得觀其有得之象則明其爲吉

所值之時所處之位所承乘比應之道有

得其宜者則吉也

觀其有失之象則明其爲凶也

所值之時所處之位所乘比應之道有

失其宜者則凶矣

繫辭之有悔有吝者因變化之有可憂可虞觀其雖

將至於失而能憂其失則繫之曰悔

悔者自凶而向乎吉

觀其雖未至於

失而已虞其失則繫之曰吝也

吝者自吉而向乎凶

故曰設卦觀象繫辭

焉而明吉凶也

變化者進退之象也剛柔者晝夜之象也六爻之動三極之道也而卦爻之變化何以有得失憂虞哉蓋以剛而化爲柔此進極而退之象也以柔而變爲剛此退極而進之象也進極而退則復爲柔此由晝而成夜之象也退極而進則復爲剛此由夜而

成畫之象也

此如九退爲八六進爲七此謂之變化及夫既退爲八則夜矣既進爲七則晝矣

進退之

機有疑未決而變虞生剛柔之成有常不當而得失著矣蓋六

爻之動

動即進退晝夜

乃三才至極之道也

初二爲地三四爲人五上爲天

動而合乎

時位之宜則得矣動而不合乎時位之宜則失矣幾微未合得

失攸分至極之道有固然也

是故君子所居而安者易之序也所樂而玩者爻之辭也

每卦六爻而三極之道寓焉是故君子所隨其所居而安之若

素以无慕乎外者此剛柔相推而交易變易自然之序也

此即莫非

命也順受其正之意

所樂而忘倦而深玩其辭以研窮其故者此聖人設

卦觀象而繫於彖爻之辭也

此節書窮理之學

是故君子居則觀其象而玩其辭動則觀其變而玩其占是以自天祐之吉无不利

夫三極之道體萬物而不遺則貫乎動靜而无間者是故君子於平居无事之時則觀其卦爻之定象而玩其所繫於彖爻之辭所以窮其理而悅諸心以存體而爲應用之本也及夫動於機而應事接物也則觀其變化之所向而玩其所值乎吉凶之占所以察其機而研諸慮以山體而得失應用之宜也觀象玩辭則理與心融而靜不失乎天理矣觀變玩占則行與道合而

動不違乎天則矣動靜皆不違乎天是以自天祐之有德而無
失吉无不利也此君子學易之事也

右第二章

彖者言乎象者也爻者言乎變者也

聖人之觀象繫辭也因卦爻之象不同而所繫之辭亦以各異
故文王觀六十四卦之各有定象也而繫之彖焉彖也者以言
乎一卦之全體其象有如此也如乾有至健之象故大通而利
於正坤有至順之象故柔大順
而利牝馬之正屯有動乎險中
之象故勿用有攸往而利建侯周公觀一卦六爻之各有時位
也而繫之爻焉爻也者以言乎一節之變化其用當如是也乾

之初九於位爲下於時爲潛則當勿用乾之九二於位爲下之中於時已見陽爲利見大人也

吉凶者言乎其失得也悔吝者言乎其小疵也无咎者善前過也
至於彖爻所繫之辭則有斷之以爲吉爲凶者焉有繫之以困
悔曰吝者焉有繫之以无咎者焉吉凶者言乎一卦之象十爻
之變有失有得其得則吉其失則凶也悔吝者言乎一卦之象
一爻之變雖未至於全得全失而不能无小小疵病焉則不能
不貽悔而取羞也如乾之上九本非龍德而有過亢之疵則不免於悔能不亢則可无悔矣屯之六二時猶未入於險可以見幾而舍不合則往吝也无咎者以其卦象爻變本易至於有過而
能處之得宜以補其過則以无咎之辭善之也善者美之也如乾之九三重剛

不中太易至其有過之地以其爲乾而能終日乾
乾夕猶惕若則足爲能補其過者故善之以无咎也

是故列貴賤者存乎位齊小大者存乎卦辨吉凶者存乎辭

是故自一節之變言之則變化所趨其所處之位各有貴賤不

同而所以處之之道亦各有不同陳列其貴賤以示人者則存

乎六爻之位矣

如初二則位賤五上則位貴是以二多譽四多懼三多凶五多功也

自今體之象

言之則剛柔合撰其所具之材各有大小不同而其所得爲之

事亦各有不同齊定其小大以示人者則存乎一卦之象矣

如乾

卦大優健是元亨利貞坤卦小優須利牝馬之貞且先迷後得也

至於其所以處位之道及所

以成卦之象或得或失則明指其得失以示人而斷之以曰吉

曰凶者則存乎所繫之辭矣

憂悔吝者存乎介震无咎者存乎悔

至若卦象爻變之間有吉凶之道雖未成而得失之機則已動
有足以致悔而取吝者是得失分歧之介也聖人於此繫之以
曰悔曰吝以示人知所憂而可不至於致悔取吝焉則存乎此
得失分歧之介矣卦象爻變之間有所居之位甚危所挾之材
甚短所遇之時甚通所當之任甚重幾幾乎不免於咎

居位之危如葉

三爻挾材之短如坤四爻遇時之通如乾四爻當任之重如師比卦象

而有可以免咎之道者是

惟其人之能自悔而知懼所處也聖人於此繫之辭曰能如是

則无咎以示人知所震懼而不敢自肆斯有以補過而得无咎焉則存乎此知危而自悔之幾矣此聖人繫辭以教人之深意是故卦有大小辭有險易辭也者各指其所之

是故聖人之繫彖繫爻非聖人之私言也亦因乎卦爻之象變爲何如耳卦有大小之材具不同辭因之以有險易之異陽卦

陽爻之辭多易

爲吉爲凶都較直截如此

陰卦陰爻之辭多險

爲吉爲凶都更有艱難委

曲之意辭也者各指示其卦象爻變之所向而已矣爲得爲无爲介爲悔皆因其象變之所向有固然也

右第三章

易與天地準故能彌綸天地之道

易書未作造化有自然之易易書既作造化之實體卽具見於

易書

此卽首章之意

是易書固與天地相準者也易書本準天地而作

故其於天地之道實能有以彌之終竟聯合合萬爲一而无所遺實能有以綸之選擇條理一實分萬而无不具其爲用蓋无窮矣

仰以觀於天文俯以察於地理是故知幽明之故原始反終故知死生之說精氣爲物游魂爲變是故知鬼神之情狀

聖人以易之書合之天地之造化而參觀焉以易之陰陽二畫

循環而為流行

如自坤而震以至於乾又自乾而巽以至於坤

對待而有定體

如乾坤震巽坎

離艮兌之

仰而參觀乎天文之晝夜

循

上下

待

俯而參察乎地

理之南北

對

高深

山高而漸深又由深而漸高亦流行

是可知有幽即有明有明

即有幽者此陰陽對待之定體幽或轉而明明或轉而幽者此

陰陽流行之文用矣是故知幽明之故也萬物盈於天地之間

有生則必有死死者日往而生者无窮以易之動本於靜者推

原夫生之所由始即以易之動極復靜者及要其終

反者動也靜者轉者也

是可知陰變而陽以有動作人物之所以生陽化而陰歸於无

為人物之所以死故知死生之說也而天地之生成萬物以充

塞於兩間者陰陽二氣之屈伸往來而已以易之陰陽合體而

成卦爻者參觀之精氣合而成物

精魄也如視聽之類陰之靈也氣魂也呼吸之用陽之靈

也以易之九六進退復變而他者參觀之游魂散而爲變

魂曰游散

則與魄離氣散之盡而形隕矣

是可知陽主乎陰以來而伸者神之情則人物

漸以成形者神之狀矣陽離乎陰則屈而歸者鬼之情而人物

漸以衰老者鬼之狀矣是故知鬼神之情狀也是聖人之以易

而窮理也

與天地相似故不違知周乎萬物而道濟天下故不過旁行而不

流樂天知命故不憂安土敦乎仁故能愛

既窮其理則體諸身人之理氣本全乎天惟氣拘物蔽而失之
則與天地不相似而動與天違矣若全其性之所固有則本體
與天地相似故動皆天則而不違也性之所固有智仁而已智
者此心之虛煥理无不具天體之輕清易而知大始也智全乎
天則智周乎萬物矣仁者此心之靈泛應无不當地體之博厚
簡而作成物也仁全乎地則道足以濟天下矣智周乎萬物而
道濟天下故智且仁而智非空虛之過且旁行以遠變而不失
之於流蕩失中

旁行有權之智權而合道則仍是濟天下之仁故不流

此所謂不違也智

則見之明斯樂從循乎天理之當然而動而不括且深知夫天

命之所以然而吉凶禍福壽殀死生皆不足以撓其慮矣故任
夫所遇之變遷而不以爲憂則智之盡也仁則守之篤斯安夫
所處之固然所處則上七也而靜而有常且益敦乎天理之存於我者
而人民萬物動植飛潛皆無時而不關其念矣故隨處皆仁心
發見而能用吾愛則仁之至也是聖人之以易體於身而盡其
性也

範圍天地之化而不過曲成萬物而不遺通乎晝夜之道而知故
神无方而易无體

能盡其性則天命之在我者自我而立而天命之賦於萬物者

亦自我而行矣是故天地之氣化不能无過如冬或過於寒夏
或過於暑水或至於氾濫旱或至於焦枯而聖人則有以範圍
之治厯明時而寒暑有可禦濬川井地而水旱不爲災是範圍
夫天地之化而使之不至於過也萬物之生不能无不及如人
物各有生而強弱異材或不能自遂其生人物各有性而智愚
異質或不能自復其性而聖人則有以曲成之

因其才質而委
曲成之

井田樹畜樸節愛養所以遂人物之生也庠序學校禮樂政刑
所以復人物之性也是曲成萬物而不使稍有所遺也要之天
地之道不外乎幽明死生鬼神通而言之則一晝一夜而已聖

人實有以通乎晝夜之道而深知默契焉故聖心之所存卽天地之神妙萬物而无不在无方所之可限聖人之所發卽天地之化因乎時而變易无定體之可拘易之爲書本如是而聖人用易以至於命者亦无不如是也易也聖人也天地也一而已矣

右第四章

一陰一陽之謂道繼之者善也成之者性也

天地之氣化陰陽而已然主乎陰陽之中以爲之樞紐卽行乎陰陽之內而卽物而存是以一陰一陽循環不窮是則一理之

主宰而推行之者是之謂道也道具於陰而行於陽方其繼靜而動也以理御氣而行生物之機油然而惻然純粹以精理全而氣未有所偏繼之者善也及其動極而靜也以氣載理而凝隨其所得氣以成形理以成性形生而理卽以寓成之者性也繼之者自陰而陽成之者自陽而陰而道固卽此而在矣

仁者見之謂之仁知者見之謂之知百姓日用而不知故君子之道鮮矣

陽動而有事人得之而爲仁陰靜而无爲人得之而爲智

上章以智

屬天以仁屬地以智清厚重分類言也此章以仁屬陽以智屬陰以陽動陰靜分類言也繼善之理本无所

偏而性之所成則不能无偏陰偏陽之異故得乎陽之多而爲

仁者則見夫天下之道惟貴於有爲謂仁以行之而已矣是偏

而謂之仁也

此賢者之過中

得乎陰之多而爲智者則見夫天下之道

宜安於无爲謂智以知之而可矣是偏而謂之智也

此智者之過中

至

於百姓則得乎陰陽之氣皆溥濁而此理亦隱而難見是以惟

日用飲食而已而行之而不著焉習矣而不察焉

此愚者之不及

是

皆倚於陰陽之一偏而未能與於斯道之全也故君子時中之

道鮮矣

顯諸仁藏諸用鼓萬物而不與聖人同憂盛德大業至矣哉

君子之道何道即天地之一陰一陽合而无偏流而不息之道也造物之由陰而陽由靜而動也一元資始品物流形生物之功是天地之仁之顯也而此純粹以精之理即顯諸生物之仁焉及夫陽復生陰動極而靜則乾道變化各正性命機藏之妙機者未動而實爲動之太極也保合太和之意此即果子於成熟後其生意都包涵在果核之中故曰機藏之妙是天

地之用之藏也而此所以生之理即藏諸成物之用焉是仁

之顯也實此生物之理有以鼓其自然之機而萬物以无不顯

用之藏也亦此成物之理有以鼓其當然之則而萬物以无不

成夫聖人之參贊化育也未免出於有憂而天道之流行於自

然當然者則鼓萬物而不與聖人同憂蓋顯諸仁者著而爲業而業皆盛德之發也就諸用者各具其德而德即大業之本也其盛德大業不至矣哉動靜互根陰陽无始此所謂一陰一陽之道也

富有之謂大業日新之謂盛德

何謂之盛德大業機緘之所藏萬理備具

萬物之生无不各具一太極

其用

豈有量乎

此即貞固幹事貞以起元之意

惟其藏用之富有則是之謂大業也

發育之所顯日出而不窮

物物之心生皆本於一太極

其仁抑何大乎

此即大哉乾元育始

故天

惟其顯仁之日新則是之謂盛德也

生生之謂易

由是言之則陰生陽陽生陰一陰一陽生生不已在天地為交

易變易之道在人心為全體

用之

大用

仁之

之理在易齊為測

柔變化之象夫是之謂易也易即一陰一陽之道也

成象之謂乾效法之謂坤

由交易變易者以顯而成象

有可見而未成
形則謂之象

是物生之始事也

是亦仁之顯也知大始者乾之道也作易者自乾始即是之謂

乾矣

成象之謂乾本以物言而乾則易卦之名如伏羲始畫一
畫便是以有成象雖積而二三畫重而六畫仍只是此一畫

則謂

及象成呈而成形則法具焉

猶成之者性其理
詳密而可先也

是物成之

終事也是亦用之藏也作成物者坤之道也作易者至坤而成
即是之謂坤矣效法之謂坤亦以物言而坤則易卦之名如伏
數因一連畫而再畫一斷畫其法已呈又如八
卦次序畫至坤卦而八卦已無不可見六十四卦亦無不然豈
非效法之謂坤

極數知來之謂占通變之謂事

成象效法以有乾坤則象數之用出而占筮之事興矣

效法處
便見有

數由是揲之以著極七八九六之數而得夫所值之卦爻則即

其所值之卦爻而可以知來事之吉凶是之謂占是亦仁之顯

也陽之事也及夫即所得之占以通乎事之變則泛應各當爲

川无窮是之謂事

此事字猶
云事業

是亦用之藏也陰之事也

陰陽不測之謂神

要而言之繼善陽也成性陰也顯仁陽也藏用陰也成象陽也效法陰也知來陽也通變陰也然而動靜互根陰陽无始而皆此理爲之樞紐以主宰而推行之是以道无定在而无往不在有以妙其用於陰陽之間而不可測是之謂妙萬物之神也離陰陽以求道而道不可見執陰陽以求道而道又非其道矣學易者其知之乎

右第五章

此章講者多不見脈絡

夫易廣矣大矣以言乎遠則不禦以言乎迤則靜而正以言乎天

地之間則備矣

易以奇耦二畫交易變易以摹寫一陰一陽之道故夫易之爲書其中含蓄而无所遺廣之至矣其外宏大而无不包大之至矣何以言其廣大乎以言乎道則推暨乎六合之內莫非易理之所充周不可禦也以言乎邇則卽几席之間而道存焉不待作爲而各有當然之則靜而正也以言乎天地之間則運而寒暑晝夜形而動植飛潛小而事物細微大而綱常倫理莫非此一陰一陽之道無不備矣

夫乾其靜也專其動也直是以大生焉夫坤其靜也翕其動也闢

是以廣生焉

天地之道乾剛坤柔而已易之爲書亦乾坤二卦而已蓋乾坤

者天地之性情也

乾天之性情坤地之性情性以未發言情以已發言

夫乾其靜而未發

也只此生物之理純粹至精而渾然寂然專之至也

此理只於果子接來

所包涵生意可驗

及其動而已發也則其生物之幾鼓而必達沛然渾

然非直之至乎是以萬物資之以始而大生焉萬物皆乾之所

統也夫坤其靜而未交也具此生物之能深沈不露而冲然闐

然翕而已矣

此即田地未布種時可也

及其動而已交也則其生物之遠順

而有常紛然紜然非闢之至乎是以萬物資之以生而廣生焉

蓋承天而時行也大生者无所不充廣生者无所不容易之有乾坤亦所以體天地之性情而已

廣大配天地變通配四時陰陽之義配日月易簡之善配至德

天地之性情只此至健至順者一動一靜循環不窮而別之爲

陰陽運之爲四時

陰陽以對待言四時以流行言

具之爲易簡之德施之以生

人生物而易之爲書實與之準易之乾坤二卦於理无所不該

凡六十四卦三百八十四爻皆莫非乾坤二卦之交易變易而

成是易之廣大配天地之大生廣生也

此廣大二字專以乾坤言與章首之廣矣大矣

者稱別

剛柔相推而生變化以有六十四卦是易之變通配天地

之運而爲四時也變化之極復爲剛柔以別三百八十四爻是
易之陰陽之義配天地之昭而爲日月也而凡卦爻之義不過
以發明乾坤易簡之善而已善專動直便是易知靜翁動剛便是簡能得乎易簡之
善則吉失乎易簡之善則凶人之所得乎天而爲至德者亦易
簡而已故易有易簡之善所以配乎人生所得乎天地之至德
也易之準乎天道人事者如此此易之所以廣大也此章首之廣大太矣

右第六章

子曰易其至矣乎夫易聖人所以崇德而廣業也知崇禮卑崇效
天卑法地

易於理无所不包而實皆本乎天道之自然於事无所不貫而无不各當乎義理之當然其至矣乎夫易聖人之所以會眾理於一心以崇吾所得於天之德體實理於吾身以廣吾奉天不違之業者也蓋以吾一心窮物之理而真知乎天道之本然是之謂智而智欲其崇設於吾性中萬物皆備之理猶有所蔽而未知不可謂崇也以吾一身踐理之實而各當乎物則之當然

是之謂禮而禮欲其卑設於率性者事物細微之則猶有所遺而未實不可謂卑也故必使吾智之崇效乎天之崇而凡此幽明之故死生之說鬼神之情狀无不有以真知夫出於天之所

以然一如天之高明焉而後可謂之智而吾心之理无不盡矣

此卽盡心知性而如天之事

使吾禮之卑法乎地之卑而凡此守經而不過

行權而不流敦仁而用愛者无不有以曲當夫賦於物之所當然一如地之廣厚焉而後有當於禮而吾身之用无不宜矣要

非精於易何以能此

此卽存心養性而知以事天之事

天地設位而易行乎其中矣成性存存道義之門

蓋易之所以爲易者一陰一陽之交易變易而已其動而變化也有自然之道焉其變化而復成剛柔也有當然之義焉而非人之所爲也自天地設位乾坤有象而交易變易之理卽行乎

其中矣人得乎天地陰陽之氣以有生卽得乎乾坤易簡之理以爲性故易知者卽吾性中自然之智而簡能者卽吾性中當然之禮也惟以易而崇吾之智以效乎天易以而卑吾之禮以法乎地則乾坤易簡之至德復全於我是已成之性存之又存而无所失而事物當然之道吾心裁制之義皆由是出智以明物之道而裁制之義情禮以行處事之義而在物之道得矣非智禮成性爲道義之門乎夫如是則吾心之德崇吾身之業廣亦如天地設位而易行乎其中矣是聖人用易之事也

右第七章

聖人有以見天下之賾而擬諸其形容象其物宜是故謂之象
夫盈天地之間者皆物也使物物而窮其理亦似乎不可勝窮
矣聖人有以見夫天下之賾而摹擬諸其形容如天有健行之
形地有順從之形以及夫雷動風入水潤火炎山止澤說之類
因畫卦命象以象其物理之宜如純陽而爲天純陰而爲地以
汲夫動而遇險則屯泉山山下則蒙之類然後物理之宜皆用
象而可考矣是故謂之象也象者像也

聖人有以見天下之動而觀其會通以行其典禮繫辭焉以斷其
吉凶是故謂之爻

人之所以動而應物者事也使事事而求其當亦似乎未知所從矣聖人有以見夫天下之動而觀其衆理之會要必有一理之可通而无礙者如行止皆道而於時則可止而未可行動靜有常而於時則宜動而不宜靜之類山是卽所處之時而行其可行之典禮猶常法也且繫之以辭如龍德而時方潛則以勿用爲典禮君子而處於危則以乾惕爲典禮卽因其所處之得失以斷其吉凶然後應事之變皆因辭而可考矣是故謂之爻也爻者效天下之動也

言天下之至賤而不可惡也言天下之至動而不可亂也

然則聖人之設象也所以言天下之物雖至賾而各有物宜所
宜因物而付不可以其雜亂而惡之也聖人之繫爻也所以言
天下之事雖至動而各有其典禮所當隨時處中不可以其變
動而亂之也

惡者厭也亂謂
不循典禮也

擬之而後言議之而後動擬議以成其變化

聖人設象以盡物宜觀變而行典禮則其所示人以言行之準
者无不備矣是故君子將有言也必當擬之於象爻以觀其理
之是非而後可發之於言將有行也必當議之以象爻以審其
幾之得失而後可見之於動擬議於物宜典禮者詳則信動之

間皆因物付物隨時處中任事物之動隨而吾之千變萬化以應之者无或失矣是能擬議之以成其變化也

鳴鶴在陰其子和之我有好爵吾與爾靡之子曰君子居其室出其言善則千里之外應之況其邇者乎居其室出其言不善則千里之外違之況其邇者乎言出乎身加乎民行發乎邇見乎遠言行君子之樞機樞機之發榮辱之主也言行君子之所以動天地也可不慎乎

試擬舉象爻而擬議之中孚之九二與九五以同德相孚故其

辭曰鳴鶴在陰

以剛中之德故爲鶴以兌體故爲鳴以居二故曰在陰

其子和之

其子和之

第九 我有好爵亦以剛中 吾與爾靡之此如言民之樂 蓋善者彝好是懿德

人之所同好不善者人之所同惡誠中形外无感而不通之理

吾子居其室以在 出其言善以鳴鶴言 則千里之外且无不以

爲善而應之以九五與九二 況其邇者乎此如一日克己復禮

如若使居其室出其言不善則千里之外且无不以爲不善而

違之况其邇者乎蓋凡言一出乎身則必加乎民行一發乎邇

則必見乎遠不可以爾室之中爲可肆之地而人莫之見聞也

言行者君子所由靜而動與事物交接之樞機樞門樞 發之而

當可以取榮發之不當則以取辱樞機之發榮辱之本也且言

行而善則與天地之理合言行偶不善則與天地之理違和則致祥戾則致殃君子之所以動天地也寧謂爾室之中而可以不慎乎卽此爻而擬議之而一言一行之機亦可以之知所謹矣

同人先號咷而後笑子曰君子之道或出或處或默或語二人同心其利斷金同心之言其臭如蘭

然言行之所以有應違者非以其迹之同而惟其道之合也同人之九五與六二相應而爲三四所隔故其辭曰同人先號咷而後笑蓋始之有不同者其迹而終之大同者其心也君子之

道或出而兼善天下或處而獨善其身或默而韜晦自全或語

而正言不諱要之隨其時位之所值而因以自盡其所得爲當

爲者其心一而已矣非有私也惟其二人同心以九五六二言故雖始

睽而終必合他人不足以間之以隔於三四言其犀利之至雖金可斷

也言不能間也至於既合則同心之言其臭味相孚直有如蘭之美

矣此所以後笑者乎卽此交而擬議之是君子之言行惟期於

各盡其道而不患乎有不同之迹矣

初六藉用白茅无咎子曰苟錯諸地而可矣藉之用茅何咎之有

慎之至也夫茅之爲物薄而用可重也慎斯術也以往其无所失

矣

言行何以能盡道則要於慎而已矣大過之初六以柔爻與體

而上承四陽之重故其辭曰藉用白茅无咎

以在下故曰藉以柔與故取象白茅

夫物而苟錯

置也

諸地似亦已可安矣乃猶恐其未安而復藉之

用茅則安者益安必無不勝其重之患矣何咎之有夫茅之爲

物輕柔而薄而其用則可以加重物而不折承重物而不傾也

蓋惟其自處以柔順是以能遇剛暴而不害人能慎斯術也以

施之言行之間无往而不自處於柔順則其必无取敗之失矣

卽此爻而擬議之是可知與順謙下則可以處患難而無傷矣

勞謙君子有終吉子曰勞而不伐有功而不德厚之至也語以其功下人者也德言盛禮言恭謙也者致恭以存其位者也

然豈獨才弱處下者爲當敬慎乎謙之九三以一陽成卦之主

而居下卦之上然以山之高而處於地之下故其辭曰勞謙君

子有終吉夫既積勞而有功

勞以勤於事言功以成功言此所謂勞功皆取其以一陽成卦之主

則誇伐而自以爲德亦人之所不免矣乃今能勞而不伐有功而不德是其心欲然自下厚之至也故謙之九三語以其功而能下人不自滿假者也凡人於自脩之德言貴乎盛以日進於聖賢而處已接人之禮則言貴乎恭以退處於卑牧惟有而不

自見爲有此之謂謙謙也者致吾之恭慎以能保存其居上之位者也此所以言君子有終吉者也卽此爻而擬議之可以得君子處功之道矣

亢龍有悔子曰貴而无位高而无民賢人在下位而无輔是以動而有悔也

蓋謙乃受益而滿則招損故乾之上九亦龍德也然以居其上過高剛而不能自下故其辭曰亢龍有悔誠以其高而出乎位之外是貴而无位高而无民賢人在下位而无輔滿盈之至欲无悔得乎是以動而有悔也卽此爻而擬議之而知盛滿之不

可居矣

不出戶庭无咎子曰亂之所生也則言語以爲階君不密則失臣臣不密則失身幾事不密則害成是以君子慎密而不出也

夫接人固貴乎謙冲而處事猶貴乎慎密節之初九以剛正處說體而當節之初能慎密者也故其辭曰不出戶庭无咎凡夫事未行而言已先發此僨事之道矣

兌體爲口舌故以言言之

亂之所生也

則言語以爲階君之言不密則小人之譏間得以乘之而失臣矣臣之言不密則小人之機械得以加之而失身矣所謀有機密之事而言語不密則必敗機僨謀而害成矣是以君子必審

時度勢潛慮密謀時至事起而後行之若時未可行則其言必
慎密而不出也卽此爻而擬議之可以得慎於機事之道矣

子曰作易者其知盜乎易曰負且乘致寇至負也者小人之事也
乘也者君子之器也小人而乘君子之器盜思奪之矣上慢下暴
盜思伐之矣慢藏誨盜冶容誨淫易曰負且乘致寇至盜之招也
且夫禍害之至未有不自已招之者是惟作易者其真知致盜
之故乎易解之六三以陰柔險體乘大難初解之時而竊處下
卦之止不中不正不稱其位故其辭曰負且乘致寇至蓋負也
者小人之事也以六乘也者君子之器也以三今以負販至賤

之小人而乘君子乘馬路車之重器

以以六居三言

則處非其位盜必

思起而奪之矣以小人而竊處高位未有不上慢其君下暴其民者上慢下暴則有可聲之罪盜必思聲其罪以伐之矣以此譬諸細民如少有財幣而慢於藏以炫於外是誨人以來盜也少有姿色而豔冶其容以飾美觀是誨人以來淫也彼小人竊處高位而遂肆然得志上慢下暴者何以異此故易曰負且乘致寇至所以明无德而竊位者皆寇盜之招也卽此爻而擬議之凡處高位者宜自量其才德之所稱矣

右第八章

天一地二天三地四天五地六天七地八天九地十

天地之間有理有氣理氣流行以漸而著而萬物於以成象成
形而理氣之流行有節次焉則數於是起氣有陽陰數有奇耦
陰陽相生奇耦迭用此皆天地之自然也是故乾元資始一而
已矣未有對也一者天之數也陽始陰承則坤元之資生者耦
之而有二矣二者地之數也陽奇而行行者其體圓圓者徑一
而圓三是一則生三故天三徑一者謂希不止於三而三其大
概又陽之事常有餘也又以天一
兼地二則亦爲
三陽可範陰也陰耦而止止者其體方方者徑一而圓四是一
則生四故地四方體縱二橫二
是二耦而四也以一合四則五以二合三亦五

而陰統於陽是爲天五此天地之生數至五而全矣由是以十
合五則六數耦而屬之地以二合五則七數奇而屬之天以三
合五則八數耦而屬之地以四合五則九數奇而屬之天以五
合五則十數耦而屬之地至於十而天地之成數亦全矣此河
圖之數自一至十而一六居北二七居南三八居東四九居西
五十居中五與十天地之合聖人用之以揲蓍以五乘十爲
衍易之全數焉次一二三四爲四象之位陽主始故一爲太陽
位百三陽之行也故次六七八九爲四象之
三爲少陽位陰主成故二則陰之稱而
爲少陰位四則陰之成而爲太陰位數以十爲全數太陽居一則餘九爲太陽之數矣太陰居四則
餘六爲太陰之數矣中陽居三則餘七爲少陽之數矣少陰

第一則餘八角 聖人用之以畫卦則方位定焉 乾九兌一皆太

少陰之數矣 陽離八震二皆 少陰與三坎七皆少陽艮四坤六皆太陰 以之揲蓍則變通出

四象之數以果四正四象之位以補四隅 焉 九重六交一單二拆 數之用所從起者如此

即此四象之數也 天數五地數五五位相得而各有合天數二十有五地數三十凡 天地之數五十有五此所以成變化而行鬼神也

而數之所行理即寓焉一三五七九皆奇天數五也二四六八 十皆耦地數五也陽動而陰靜之理也有一即有二有三即有 四有五即有六有七即有八有九即有十其五者之位比類而 自相得猶兄弟之序焉是一陰一陽之道也由是一六同位乎

北二七同位乎南三八同位乎東四九同位乎西五十同處於
中是三者之數隨位而各有合猶夫婦之交焉卽兩在不測之
神也綜而數也積一三五七九則二十有五矣是天數二十有
五積之又奇數也積二四六八十則三十矣是地數三十積之
又耦數也又總河圖之全數而合之則比天地之數五十有五
由相得者而循其自然則一變一化陽變陰化而水火木金土之氣
化以流行焉自有合者而適其當然則一生一成天一生水地六成之
地二生火天七成之天三生木地八成之地四生金天九成之天五生土地十成之而水火木金土之方位
以有定焉是陰陽之變化於此五十有五數之中而見其成得

有例先氣化之往來屈伸而為鬼神者於此五十有五數之中

而知其行也

奇伸而神屬屈而鬼又生數則皆伸而神成數則皆屈而鬼

河圖之數之妙如

此宜聖人因之而用易也夫

大衍之數五十其用四十有九分而為二以象兩掛一以象三揲之以四以象四時歸奇於扚以象閏五歲再閏故再扚而後掛

聖人既取象於陽奇陰耦而衍圖畫卦復取數於中五與十以

揲著求卦焉蓋以中五乘十而大衍之則其數五十著之全數

也

獨取中五與十者以圖方之六七八九原待中五而成爲揲著之重交單拆皆自衍著而得也

及其用之也

則取一策返之於櫝而只用四十有九蓋虛一以象太極而數

非奇不行也

凡數奇則行耦則止

由是以四十九策分而爲二置之左右

兩大刻以象兩儀也乃取右刻一策掛之於左手之小指无名

指間蓋自陰陽分而後人生其間以參爲三才故掛一所以象

三才也於是以左手取左大刻之策執之而以右手揲之凡揲

之皆以四焉

每四策一揲數自左手而委之板上

蓋陰陽迭運則有四時故揲之

以四所以象四時也揲四之所奇

也

或一或二或三或四則扚

之於左手之无名指中指間蓋每歲氣盈朔虛之餘則積之以

置閏月

凡自今歲立春至來歲立春當得三百六十五日零三時以每歲三百六十日計之則多餘五日三時是謂之

氣盈又月有大小每歲十二月合之每只得三百五十四日於三百六十日之數又少六日是謂之朔虛合氣盈朔虛約共積

十一日有奇積至三年則餘三十四日矣於是置一閏月而猶有奇零未盡復存之以待後閏也 故歸奇於扚

所以象閏也於是返左揲之策於左大刻而以右手取右大刻之策執之乃以左手四揲之 亦數自右手而委之版上 揲四之所奇或一或

二或三或四則再扚之於左手之中指食指間是又歸奇象閏

也於是復返右揲之策於右大刻而合指間所一掛二扚之策

置之於左三小刻之第一刻中乃復取左右二大刻之策合之

又復分而為二又復掛一於小指間以起第二變之事焉蓋置

閏之法三年一閏五年再閏而復後起積分

五年再閏則積分盡而又積不足復

起積分前後相補必至十九年七閏而後氣朔均齊

故再扚而後掛所以象五歲再閏而

後復起積分也

乾之策二百一十有六坤之策百四十有四凡三百有六十當期之日

聖人既取河圖之中五與十以大衍之而為揲蓍之用更即河圖之六七八九以觀象焉而為占卦之法故凡一掛二扚之數

以五四為奇

只算一偶四也

以九八為耦

只算兩偶四也

若三變而得三奇

五

一則合十三策而為居一之太陽

陽之純也太陽居一連九

其一則所餘者九而河圖一位於北九數在西亦相連也而過揲之策亦四九三十六

一揲四策

一十六只

其象為口

重也

若三變而得二奇一耦

或一五一四一八或一九二四

皆則合十七策而為居二之少陰以一耦為主且陰之雜也且一奇亦只成一耦也少

陰居二連八以十數言之居其二則所餘者八而河圖二位於南入數在東亦相連也而過揲之策

亦四八三十二三十二只是入揲其象為一拆若三變而得一奇二耦

或一五二八或一九一八一四皆是則合二十一策而為居三之少陽以一奇為主且陽之

雜也其一耦亦可作二奇也少陽居三連七以十數言之居其三則所餘者七也而河圖三位於東七數在南

亦相連也而過揲之策亦四七二十八二十八只是七揲其象為一單若三

變而得三耦一九二八則合二十五策而為居四之太陰陰之太陰

居四而連六以十數言之居其四則所餘者六而河圖四位於西六數在北亦相連者也而過揲之

策亦四六二十四二十四只是六揲其象為X交積此四象而成六爻

則爲所得之卦矣今以乾卦六爻皆得九算之則所過揲之策

共積二百一十有六

六個三十八也

以坤卦六爻皆得六算之則所過

揲之策共積二百四十有六

六個一十四也

合之共得二百有六十之

數是適當一期之日數也

一期一週年也其實以節氣言之則三百六十四日三時而後一期以月

期言之則只三百五十四日而已一期不止三百有六十之數此再劫之所以爲象閏也

乾坤爲天地之象

故其策數之合於期數如此若以乾卦六爻皆得七算之則所

過揲之策共積一百六十有八

六個二十八也

以坤卦六爻皆得八算

之則所過揲之策共積一百九十有二

六個三十二也

合之亦共得三

百有六十常期之日也

二篇之策萬有一千五百二十當萬物之數也

若合上下二篇

謂上經下經

六十四卦三百八十四爻所過揲之策

言之則陽爻一百九十二如皆得九則過揲之策共積六千九百一十有二陰爻一百九十二如皆得六則過揲之策共積四千六百零八合之共得一萬有一千五百二十凡天地生物之數號稱萬焉而陰陽之變化其策數之多亦與之準是適當萬物之數也河圖之數所以成變化而行鬼神法其數而衍之以揲蓍求卦又何嘗不有以成變化而行鬼神也哉

是故四營而成易十有八變而成卦

著策之數合於自然之數如此是故揲著之法分二掛一揲四

歸奇凡四度經營

分二掛一是二營左右兩手各有揲四歸奇合為二營

而成一番變易

始得為奇為耦之見端

三番變易而成一爻

始得口×一之成象

共積十有八變

而成六爻之卦

八卦而小成

方其九變而有內三爻也則於八卦已得其一卦而健順動入

陷麗止說之德與其為天地雷風水火山澤之象已有可擬事

之大體已可見其本是亦已小成矣

引而伸之觸類而長之天下之能事畢矣

於是由九變以至十八變由內卦而得外卦則引內卦所得之

卦德卦象而伸之外卦以觀夫內外合體所成之象所共之材

焉

如內震外坎而為屯
內坎外艮而為蒙也

又審夫六位中之口×一一以觀其變

與不變

老陽變少陰九則退而八
老陰變少陽六則進而七

則觸其變與不變之類以觀

其靜之所守與動之所趣

前也

而長之於其所變於是一卦可變

為六十四卦凡夫內卦為貞外卦為悔

貞事之本也悔事之變也
六爻皆不變者則

以內卦為貞
外卦為悔

本卦為貞之卦為悔

之卦所變之卦也有變爻
者則本卦為貞之卦為悔

占主乎貞或占主乎悔而三百八十四爻之用无不顯焉

古法
六爻

皆不變則占本卦之彖辭一爻變則占本卦之變爻兩爻變則
占本卦之兩變爻辭而以三爻為主三爻變則并占本卦及左

卦之彖辭而以前十卦主貞後十卦主悔因爻變則占之卦之
兩不變爻亦以上爻為主五爻變則占之卦之不變爻六爻皆
變則乾坤占二用餘卦占之卦之彖辭○凡一卦可變六十四
卦皆不變皆變者各一一爻變五爻變者各六二爻變四爻變
者各十五三爻變者二十故二爻變之卦有前十卦後十卦之
別比二爻變之卦其有初爻變者則在前十卦其無初爻變者
則在後十卦也○凡占之主貞者吉凶只在本事後來之變可
不必慮也占而主悔者本事如此後來之變或不如此所以處
正在變也凡占本卦之爻皆是主貞占之卦之爻皆是主悔也
由是而物宜之至隨事機之至
動者卦皆有以通之天下之能事畢矣

此節之解與時
下諸章多不同中

顯道神德行是故可與酬酢可與祐神矣

夫得失吉凶之道至隱而難知者也而引伸觸類之變則卦爻
之辭有以明告其理而顯而可知者焉趨吉避凶之德行入處

怠而不率者也而引伸觸類之用則蓍策之數有鼓舞斯人以
行之而盡神者焉是故人有疑而不能自決問之蓍而受命如
響无不有以告人蓍卦之可與酬酢也猶應答也鬼神幽而不能告
人託之卦而道无不顯有以通之事物蓍卦之佑助乎神也

子曰知變化之道者其知神之所爲乎

夫河圖之數所以成變化而行鬼神而聖人用其數以揲蓍求
卦則蓍策之變化夫豈人所能爲亦鬼神實行乎間有莫之爲
而爲之者矣知變化之道所從起者其知神之所爲皆自然而
不容私智者乎

右第九章

易有聖人之道四焉以言者尙其辭以動者尙其變以制器者尙其象以卜筮者尙其占

夫變化之道神之所爲非聖人不能知也聖人其神无方其易无體而吉凶與民同患之情非託之易无以見也惟聖人以變化之道神之所爲者寓之於易故易有聖人之道四焉凡得失憂虞之故繫辭盡之故欲以之窮理論事而發之爲言者則猶夫易之辭而是非可否不能外焉凡剛柔進退之宜卦變盡之

此剛柔相推之變如圖圖損
圖及啟蒙之三十二圖皆是

故欲以之處事接物而動之爲行

者則尙失易之變而進退機宜不能外焉凡天地民物之撰卦象盡之故欲以之立法致用而制之爲器者則尙夫易之象而紀綱法度不能外焉凡吉凶悔吝之斷占筮畫之故欲以之決疑知來而稽之卜筮者則尙夫易之占而休咎之應不能外焉凡此皆變化之道神之所爲而具於聖人之易者也

是以君子將有爲也將有行也問焉而以言其受命也如嚮无有遠近幽深遂知來物非天下之至精其孰能與于此

夫辭者道之所寓而占則辭之決也

兩項皆以易書言

是以君子將有

所爲而見諸身也將有所行而措諸事也則以蓍問焉而後以

之發言處事其受人之命而有以告之也如響之應聲焉凡遠而千里之外百年之後近而几席之下耳目之前幽而機事之所未形深而物情之所難見皆无所隱而遂有以知來物也精事也之吉凶誠以立象盡言其於事物之理析之者精故能有以周天下之事物而應之无所遺也設非天下之至精其孰能與於此

參伍以變錯綜其數通其變遂成天地之文極其數遂定天下之象非天下之至變其孰能與於此

若夫變者道之所呈而象則變之成也

兩項皆以著象言

揲著之法分

二掛一揲四歸奇參以數之變之多寡所由生也卽其一掛二
扚之策或五四或九八伍以數之變之奇耦所由見也及夫三
變成爻則掛扚所得及過揲所餘一左一右錯而別之數之九
六七八各可見矣三奇則九過揲亦九三耦則六過揲亦六二
奇一耦則八過揲亦八一奇二耦則七過揲亦七一低一昂綜
而合之數之九六七八人適相符矣低謂主于此而示乎彼由昂謂考于彼以合乎此
一變而通之三變同此四營之法而掛扚所積或三奇爲九或
三九而六或二奇一耦而八或一奇二耦而七則爻之所成爲
口爲×爲一爲--遂成天地自然之文非人爲所能與也由一

爻而極之三爻至於六爻同此三變之數而〇×一一所乘九變而得八卦而天地雷風水火山澤之象有所擬矣十有八變而成六爻而六十四卦之定體六爻動靜所變通无不呈矣是遂定天下之象於物理无所遺也誠以變通盡利其於進退之幾體之者熟故能有以通鬼神之變化而行之无所滯也設非天下之至變其孰能與於此

易无思也无爲也寂然不動感而遂通天下之故非天下之至神其孰能與於此

夫至精之理具於易之卦至變之數具於易之著矣而方其未

用則卦之辭占非有偏主著之象變亦非有偏嚮易固无思也
无爲也寂然不動而已然惟其无思故能開天下之思惟其无
爲故能成天下之爲是以執策以扣之而天地之文天下之象
遂於著乎顯及乎遠近幽深之理來物之悔吝吉凶亦於卦乎
斷焉是感之而遂有以通天下之故也誠以一元資始而萬物
生成者天地之神也一理渾然而泛應曲當者聖人之神也以
聖人之神默契乎天地之神而寓其體用之全於著卦之神故
能體无不具用无不周而感通之妙神速如此設非天下之至
神又其孰能與於此乎

夫易聖人之所以極深而研幾也

夫易何爲而至精至變至神若此蓋天下之理散于事物本諸性情原諸於穆其所當然者雖若顯而易知而其所以然者實至深而難見見其淺而不見其深斯無以用天下之事物矣聖人心契乎於穆之原而灼見夫物宜典禮之所從出因設卦觀象繫辭而決之以占焉所以窮極夫至深之理而明夫吉凶悔吝之所以然以告人者也天下之理一實分萬萬歸於一神變无方其常而有定者雖衆人所與知能而變以從時者實幾微而難測泥其迹而不審其幾斯无以應天下之動履矣聖人心

通乎二五之變

二陰陽
五五行

而詳得夫剛柔進退之所以行因揲著

求卦通其變而著之象焉

通其變以成○×一--之象
著之象遂定一卦六爻之象

所以研

別乎事幾之變而析夫變化趣時之所由然以示人者也

唯深也故能通天下之志唯幾也故能成天下之務唯神也故不疾而速不行而至

唯聖人極深而繫之爲辭爲占斯易爲天下之至精矣故天下有懵於吉凶之理而无以決其志者易卦之辭占皆一一有以指而決之唯深也故能通天下之志也聖人研幾而著之爲象爲變斯易爲天下之至變矣故天下有昧於趨避之幾而无以

盡其務者揲蓍之象變皆一一有以引而致之惟幾也故能成天下之務也而原夫至深之理推夫至變之幾則皆出於天之自然是天之所以神妙萬物者也乃聖人極深研幾則以其神寓之蓍卦焉矣是以問之而遂知來物天下之以言以卜筮者不能外焉通其變而遂成天下之文極其數而遂定天下之象天下之以動以制器者不能外焉感而遂通天下之志通天下之務成而卒若莫知誰之爲者唯神也故不疾而速不行而至有如斯也

子曰易有聖人之道四焉者此之謂也

是故易之辭變象占易之道皆聖人之道也易有聖人之道四焉此之謂也

右第十章

子曰夫易何爲者也夫易開物成務冒天下之道如斯而已者是故聖人以通天下之志以定天下之業以斷天下之疑

夫易之體用不外辭變象占四者然則蓋果何爲者也夫易以天下之物吉凶貞勝各有定理而人或不足以知之故易所以開物而示之也人爲之事得失相乘各有其幾而又或不足以辨之故易所以示人以當務而成之也天下事物各有自然當

然之道而非語言所能盡易則設卦以像之撰蓍以通之而天下之道无不具矣是所以肩天下之道如斯而已者也是故聖人設卦繫辭用蓍求卦凡所以問无不告而使之遂知來物以通天下之志大衆著明而示之知所當務以定天下之業物至賾而物宜必有可象事至動而典禮必有可通以得則吉以失則凶蓋斷乎其不可易矣是所以斷天下之疑也是故著之德圓而神卦之德方以知六爻之義易以貢聖人以此洗心退藏於密吉凶與民同患神以知來知以藏往其孰能與於此哉古之聰明睿知神武而不殺者夫

是故著之方謀也陰陽老少變化无方而神妙不測著之德固

圓而神也

凡圓的便動而无方

及夫卦之已呈也象著占明吉凶有定而

智无不知卦之德固方以智也

凡方的便靜而有定

卦有六爻剛柔相推

惟其時物而各因所值之一爻變易其理以告人六爻之義易

以貢也凡此固著卦之德而實皆聖心所自具之理聖心至靈

而无一毫私欲之累一著德之圓神也聖心至虛而无一毫私

意之蔽一卦德之方智也

私欲以耳目口鼻之欲自外入者言一有所累則不圓神矣私意以意必

固我之私自內出者言一有所蔽則不方智矣

聖心萬理咸備隨處發見一六爻之易

貢也

所謂時中

聖人以此三者日洗濯其心不使有幾微之後

起外合者得以汚染吾得天之本體

後起即私意外合即私欲聖人雖生知安行而不无

主敬之功

蓋不動不言而敬信自若不聞不睹而戒懼常存裕常明

常覺於寂然不動之天是退藏於密矣及夫事物之來感而遂通天下之故爲吉爲凶與民同其憂患吉則率民以趨之凶則防民以避之焉其感而遂通吉凶與民同患者聖心之神於吉凶悔吝之應雖未來而其幾已動神遂有以知之也其寂然不動退藏於密者聖心之智於天地民物之理雖隱微而得諸已往智實有以藏之也

往謂得之於天其所固有也蓋言无所不備也

此不待卜筮而知

吉凶其孰能與於此哉是殆惟古之聰无不聞明無不見心思

獻智通微而无不通獻通微也智无不通者也其神武足以服人而不待於殺伐者夫

是以明於天之道而察於民之故是興神物以前民用聖人以此齊戒以神明其德夫

惟聖人聰明獻智如此是以其於天地之道凡此剛柔變化吉凶消長之所以然者知之已无不明此即智之藏往而於民物之故凡

夫動作云爲憂虞得失之有必然者察之又无不審而此吉凶

憂患之情不能自己此即神用是興起蓍龜之神物以教人卜

筮使民先事而知吉凶以前民趨避之用與神物前民用即隔物以通天下之志

民用卽有以成務而卜筮之用既興則聖人亦用是自齊其心而定天下之業矣

使之湛然純一自戒其慮使之肅然警惕使此心之神以益神

智以益智神明其德而凡吉凶之至必无不有以前知也夫

未與聖人原不待卜筮而知吉凶卜筮既興聖人亦考之于卜筮以神明其德蓋聖人不放自足之心則亦用是以斷疑也

是故闔戶謂之坤闢戶謂之乾一闔一闢謂之變往來不窮謂之通見乃謂之象形乃謂之器制而用之謂之法利用出入人民咸用之謂之神

天道之所以然一陰一陽而已民故之有必然趨避得失而已明天道則知神物之可與矣察民故則知民用之不可不前矣

是故夫天地之靜而未動也閉藏深固如戶之闔則謂之坤生理之所存也及夫由靜而動也氣化流行如戶之闢則謂之乾生理之所發也一闔一闢動靜互根是謂之變晝夜之所以循環也往來不窮推行有漸是謂之道生生之所以不已也是皆化育之功天道之所以然也及夫生氣之所疑則天道昭著而有可見者是則謂之象而當然之理即象而存矣由象以成形則天道即寓於形質之中是則謂之器而必然之故即於器而有可察矣是皆生物之序有物有則賾而不可惡動而不可亂則民之故之所由有得失也聖人因象器之形而察其所各具

自然當然之理以制爲品節而用之天下使各有數度之可循

則謂之法誠欲民用之有得而无失是聖人脩道之教也

此法字所

包甚廣如禮樂刑政皆是而神物之與卜筮之用亦在其中不當獨以與神物言

聖人之法既立則品

節度數各有可循足以鼓舞斯民於不倦一出入皆適乎利物之和而民咸用之以應事接物是則聖人之神妙萬物民亦神於日用而不自知矣是乃所謂之神也與神物以前民用亦制而用之之法之一端而卽利用出入民咸用之之神之所在矣

是故易有大極是生兩儀兩儀生四象四象生八卦

天之道有其自然而然而民之故有所當然必然是以聖人制之爲法以與民共由之則聖人之作易也畫卦之象揲蓍求卦何莫不然夫陰陽二氣闔闢往來以至於成象成形者皆一理爲之主宰而推行之以交易變易於無窮斯理固至極而无以復加者易有大極其隱於无形而不可見者也惟易有此至極之理爲之樞紐是以動而生陽靜而生陰而二氣分焉有可擬議者畫卦則初爲一奇一耦揲蓍則左右分而爲二是生兩儀也是一闔一闢之變也至於陰陽之動而相變化變化之極復爲陰陽則二又分而四有可想像者畫卦則奇耦之上復加一

奇一耦揲著則三變之餘積爲口×一一兩儀生四象也是往來不窮之通而見而爲象也而此可見之象又復往來不窮則四又分而爲八而三才之理備神明之德顯矣以畫卦則四象之上又各加一奇一耦而得八卦之全以揲著則九變之成績爲內卦三爻而得八卦之一四象生八卦也是所見之象成形而卽爲載道之器也

八卦定吉凶吉凶生大業

至於八卦既成則六十四卦不過因而重之引伸觸類而長之而材質大小之所具剛柔時位之所趨乘承山應之當否其爲

得爲失已確乎有可知者是八卦而已定吉凶也八卦之成有吉有凶則以參之民事而察其所以吉凶之故於是乎吉則與民趨之凶則與民避之而大業於是興焉是吉凶生大業也與神物以前民用開物成務冒天下之道孰有大於此者

是故法象莫大乎天地變通莫大乎四時縣象著明莫大乎日月崇高莫大乎富貴備物致用立成器以爲天下利莫大乎聖人探賈索隱鈎深致遠以定天下之吉凶成天下之亹亹者莫大乎蓍

龜

是故八卦成列皆天地自然之理神物可與亦莫非天地自然

之用而豈聖人之私智哉天尊地卑陽動陰靜在天成象在地
成形盈兩間者觸目无非法象而法象莫大乎天地也寒往暑
來暑往寒來五氣順布四時行焉亘古今者瞬息皆有變通而
變通莫大乎四時也星辰布列川嶽流峙風雨霜露雲氣雷霆
凡有形有象於天地間者皆莫非法而非日月之代明則法象
皆无可睹是懸象著明莫大乎日月也凡此闔闢變通見象形
器者皆莫非天道之自然而民放之所以然固昭然在人耳目
而非聖人在位則无以制而用之惟富有天下貴爲天子乃得
以操制用之權以使天下莫不承聽是崇高莫大乎富貴也然

使雖據崇高之位而非有圓神方智之德則不能有以明天道而察民故又何以能制而用之以通志定業冒道而斷天下之疑哉是能備物而致之用立爲成器以爲天下所利用者莫大乎聖人也凡天下可備之物皆聖人爲開之可致之用皆聖人爲成之然開物成務之大於凡萬物之賾无不有以探其理鬼神之隱无不有以索其情於性命之深者則有以鉤而出之於來物之遠者則有以推而致之於是凡天下事之爲吉爲凶者皆有以定之而不可易凡天下務之當廢當興以赴者皆使民真知而務成之而不敢有所怠是則所謂興神物以前民用者又

莫大乎蓍龜也聖人之作易夫豈偶然者哉

是故天生神物聖人則之天地變化聖人效之天垂象見吉凶聖人象之河出圖洛出書聖人則之

夫能探賸索隱鉤深致遠以定吉凶而成蓍龜者莫大乎蓍龜是蓍龜固神物也而備物致用立成器以爲天下利者莫大乎

聖人惟聖人知興神物也是故天生神物而聖人則之以立卜

筮曰雨曰霽曰蒙曰牝曰克則乎龜之兆也

雨象如雨陽水也霽者開霽屬火也

蒙者蒙昧屬木也牝者得婦屬金也克者交錯屬土也此皆龜甲所食之墨之文其兆如此○此出洪範

爲重爲交

爲單爲拆則乎蓍之數也龜卜以五行生尅而生變化蓍揲以

剛柔迭推而生變化而五行陰陽之交易變易莫非天地之變化是天地有變化而聖人以蓍龜效之也及乎變化既成而龜兆之吉凶以呈而蓍卦之吉凶以顯要之類聚羣分之情和則致祥天以禎祥之象應之乖則致戾天以妖孽之象應之自然之理是天垂象見吉凶而聖人以蓍龜之兆卦象之也蓋天道之本然自然者每託諸神物以顯而聖人則卽神物之所顯者又明著其理以示人此微獨蓍龜矣彼夫河出龍馬而負圖

則馬背毛旋有此圖也馬八尺以上曰龍

洛出神龜而有書

洛書卽龜背甲上之文也

是皆神物

也聖人神智之德與天道本有默契於心而適於圖書相觸發

焉是以因河圖而則之以暨八卦

中五與十相涵人極也一三
七九天之數陽也二四六入

地之數陰也是兩儀也一太陽位九太陽數二少陰位入少陰
數三少陽位七少陽數四太陰位六太陰數是四象也即九六
七八以居四正分一二三四以補四隅即入
卦也至于八卦方位則有不拘拘如河圖者又則中五十而大

衍為蓍策之數

此已見前章

因洛書而則之以第九疇

禹第洪範九疇一五行二

五事三三入政四五紀五皇極六三
德七稽疑八庶徵九五福六極

則即中五皇極而建之為次

疇之主

皆詳見書經

何莫非聖人之明天道察民故而與神物以前

民用者與

洛出書句太只帶言无與於卜筮解者不
必勉強牽入作易事但其理則可相通耳

易有四象所以示也繫辭焉所以告也定之以吉凶所以斷也

至於易之撰著以求卦也因九六七八之數而著之為重交單

拆之象易有四象所以示人以所置之卦爻所謂開物而通天
下之志者也因所值之卦爻所撰有大小所之有得失而繫之
以一彖六爻之辭繫辭焉所以告人以趨避進退之宜所以成
務而定天下之業者也因卦彖卦爻之所具有如是則吉如是
則凶本一定不易之理而遂定之以吉凶所以斷其理之必然
所以肩天下之道而斷天下之疑者也聖人之作易以前民用
也如斯而已矣

此節乃轉應首節。此章之辭多與時解大不相同

右第十一章

易曰自天祐之吉无不利子曰祐者助也天之所助者順也以人之

所助者信也履信思乎順又以尚賢也是以自天祐之吉无不利也

非其有而據爲己有解六三之所以致寇也可以有而讓之不爲己有大有上九之所以得天也大有上九以離明中虛之體退處尊位之外是當大有之時而讓其有於六五也故其辭曰自天祐之吉无不利誠以人能自處於和順則天必助之天之所助者順也人能與人以誠信則人必助之人之所助者信也而大有上九履中虛之信思牝牛之順又以退居位外是推尚六五柔中之賢也處大有之終而不自滿假如此天人又助之

矣是以自天祐之吉无不利也卽此爻而擬議之則可以知持
盈保終之道矣

此節當在本節
八章之末

子曰書不盡言言不盡意然則聖人之意其不可見乎子曰聖人
立象以盡意設卦以盡情僞繫辭焉以盡其言變而通之以盡利
鼓之舞之以盡神

夫聖人誨人不倦其發諸言者无非至教而書之於策者則不
能以盡載之也聖人吉凶同患其所欲言之意教思无窮而吐
之爲言者則不足以盡發之也然則聖人覺世之意其終不可
見乎顧天地之道一陰一陽而已陽動陰靜之常一奇一耦而

已聖人畫一寄以象陽畫一耦以象陰而示人无穷之意於斯
寓焉立象以盡意也民物之故以類聚以羣分焉類聚羣分之
際或以情焉或以偽焉則聖人立象而以爲未足也於是奇耦
相摩以成八卦八卦相盪以成六十四卦而秉承比應之間有
相得有不相得誠僞見焉設卦以盡情僞也猶恐人不能喻其
意於卦象之間也於是卽卦象所寓之理明著之以示人其事
乎情而順於理者吉可知也其出於僞而拂乎理者凶可知也
繫之彖以盡物之宜繫之爻以盡事之變而天下得失憂虞之
故亦无不明有以告人矣繫辭焉以盡其言也猶恐人不能卽

其言以旁通之於應事接物也於是效剛柔相推之變而制爲
卜筮以教人積奇耦多寡之衆而得失所值之卦考重交單拆
之變而通之所值之爻所以盡其用之利而使之无不可通也

此本之六象設
卦所具者通之

指情僞相感之故而斷其吉凶以教人且於其

介而憂之以悔吝於其悔而震之使无咎所以鼓舞斯人而使

人趨之避之以盡其靈靈相赴之神也

此本於繫辭盡
言者爲數者之

是則

與言之所不能盡者聖人以卦象繫辭卜筮盡之而聖人覺世
之情亦於是乎盡矣

乾坤其易之祖邪乾坤成列而易立乎其中矣乾坤毀則无以見

易易不可見則乾坤或幾乎息矣

聖人立象始於一奇一耦而乾坤者奇耦之積也六十四卦三百八十四爻凡卦象之所陳揲著之所值皆乾奇坤耦之所交易變易而成者也是則極造化交易變易之理皆蘊藏於乾奇坤耦之中乾坤其易之緼邪乾坤二卦成列而交易變易之體立乎其中矣設使卦盡不立則交易變易之理常人孰能有以窺之乾坤毀則无以見易矣交易變易之理既不可見則揲著求卦之法亦无從而立而擬言讖動以成其變化者亦无自而行乾坤或幾乎息矣又何以能窮變通久而得乎趨避之宜也

乎

是故形而上者謂之道形而下者謂之器化而裁之謂之變推而行之謂之通舉而措之天下之民謂之事業

是故乾奇坤耦卦象之有可見者形也而此易知簡能至健至順之理及夫顯仁藏用生生不窮之故卽寓於此卦象之形之中焉易簡健順仁智生生之理此其在形而上者所謂一陽一陰之道也乾奇坤耦一卦六爻之象此其在形而下者所謂陰陽者載道之器也道器不相離理氣无二致而人或見器不見道也若乃因其動靜互根流行不息之化而以數揆而裁之如

極於九

重也

則退而八

拆也

極於六

交也

則進而七

單也

而後理之寓於

象者乃不膠於迹矣是謂之變也因其九六七八之進退相推

者而引伸觸類焉即所值之卦爻以體驗於身而踐行之如擬

之而言議之而動吉則趨之凶則避之而後用之變以從時者

乃行无不通矣是謂之通也以是變而通之者明辨其爲如是

則吉如是則凶以舉而措之天下之民使天下之民皆得以因

卜筮而知吉凶則斯民皆齎齎以赴而事功无不立矣是謂之

事業也

形上形下一句即立象設卦繫辭之事化裁推行二句即變而通之以盡利舉而措之句即致之舞之以盡神

是故夫象聖人有以見天下之賾而擬諸其形容象其物宜是故

謂之象聖人有以見天下之勑而觀其會通以行其典禮繫辭焉以斷其吉凶是故謂之爻

夫聖人之所以作易而教民卜筮者无非此誨人不倦吉凶同患之意而學易者貴有以得聖人之心矣是故夫象也者聖人有以見天下之物理之賾莫不各有其所以然而此所以然者非言所能盡也因是而擬諸其形容而立象設卦以象其物宜是故謂之象象立而爻在其中矣聖人有以見天下事變之動莫不各有其所當然而此所當然者非盡所能盡也因是而觀其事會之所可通以著爲當行之典禮繫辭焉以斷其吉凶是

故謂之爻也

此節立象設卦之聖人當以伏羲繫辭之聖人當兼周文有爻字兼彖在內

極天下之賾者存乎卦鼓天下之動者存乎辭

是則聖人立象設卦而聖人卽物以教人之意寓焉矣後之人欲窮極夫天下至賾之物理者卽存乎聖人所畫之卦而形容有可得物宜有可盡也聖人因卦爻之動以繫辭而聖人因事以示人之言盡焉矣後之人欲鼓舞夫天下互動之事變者

字只當力行字看

卽存乎聖人所繫之辭而興禮有可據趨避无不可

知也

化而裁之存乎變推而行之存乎通神而明之存乎其人默而成

之不言而信存乎德行

若夫化裁之變則寓於蓍策之圓神而人用揲蓍之數卽其化而裁之以占夫所值之卦爻則存乎聖人所化裁之變而問焉无不應矣惟行之通則寓於六爻之易賁而人因卦爻之所值如其所推而行之以爲趨爲避則存乎聖人所推行之通而用之无不利矣

上節用聖人之易以格物窮理而力行之此節然用聖人之教人卜筮以變通其行而合於時中

象卦繫辭蓍策皆形下之器也至於物宜與禮之常化裁推行之變則聖人教人之意之寓乎其中者乃形上之道也君子觀象玩辭觀變玩占則因形下之器而自喻乎形上之道以神旨

明之有不得卜筮而自適於變通者是則存乎其人非聖人所
能強之使悟也何以能神而明之蓋言之所得者淺意之所會
者深惟能以己意默會乎聖人所欲言而難以盡言之意沈思
默體而此理自然淡洽以成於心有不得言語之講明而此心
自相符合可以自信者是則真能神而明之之人此存乎其人
之德行蓋此心能先无私意之蔽私欲之累則所得乎天之德
已純而不雜自能於天地之理聖人之心无不契合而易之道
亦存乎我矣然學易而至於此則亦成位乎中之聖人矣

右第十二章

後學李承超重訂

後學李啟泮

李振秀

余龍光

余麗元

李際唐校正

後學李振璿

潘鴻儀校錄

易經如話卷之八終